



Na osnovu Sporazuma o saradnji na realizaciji projekta "Sufinansiranje troškova ugradnje individualnih mjerila toplotne energije u objektima na sistemu daljinskog grijanja KJKP "Toplane-Sarajevo" d.o.o. Sarajevo, broj: 3450/23 (05-11-9655/23) od 10.05.2023. godine, KJKP "Toplane Sarajevo" d.o.o. Sarajevo (u daljem tekstu: Toplane) raspisuje:

JAVNI POZIV

za učešće u projektu "Sufinansiranje troškova ugradnje individualnih mjerila toplotne energije u objektima na sistemu daljinskog grijanja KJKP "Toplane-Sarajevo"

1. PREDMET JAVNOG POZIVA

Predmet Javnog poziva je prikupljanje prijave korisnika usluge u objektima na sistemu daljinskog grijanja KJKP "Toplane-Sarajevo" d.o.o. Sarajevo, koji ispunjavaju uslove za sufinansiranje troškova ugradnje individualnih mjerila toplotne energije, radi utvrđivanja rang liste kandidata koji mogu ostvariti pravo na sufinansiranje troškova ugradnje individualnih mjerila toplotne energije.

2. KRATAK OPIS PROJEKTA

U cilju implementacije smjernica iz Okvirne energetske strategije Federacije Bosne i Hercegovine do 2035. godine i mjera iz Plana energetske efikasnosti na području Kantona Sarajevo za period 2022.- 2024. godine, Kanton Sarajevo je odobrio projekat "Sufinansiranje troškova ugradnje individualnih mjerila toplotne energije u objektima na sistemu daljinskog grijanja KJKP "Toplane-Sarajevo".

Na bazi trenutnih tržišnih cijena nabavke i ugradnje individualnih mjerila toplotne energije (za prečnik mjerila DN 15 – 20), Projektom je predviđen model sufinansiranja ugradnje mjerila na način da Kanton Sarajevo sufinansira iznos od 300 KM, KJKP "Toplane Sarajevo" d.o.o. Sarajevo sufinansira iznos od 300 KM, a da korisnik usluge uplati ostatak sredstava do punog iznosa cijene ugradnje individualnog mjerila toplotne energije.

3. UKUPAN IZNOS RASPOLOŽIVIH SREDSTAVA

Za sufinansiranje troškova ugradnje individualnih mjerila toplotne energije u objektima na sistemu daljinskog grijanja KJKP "Toplane-Sarajevo" d.o.o. Sarajevo, predviđena su sredstva u iznosu od ukupno 600.000 KM, (koje finansiraju Ministarstvo i KJKP "Toplane-Sarajevo" d.o.o. Sarajevo u iznosu po 300.000 KM).

Maksimalan iznos sufinansiranja troškova ugradnje individualnih mjerila toplotne energije iznosi: 600,00 KM po korisniku usluge.

Troškovi ugradnje individualnog mjerila toplotne energije uključuju:

- troškove nabavke, ugradnje i puštanja u rad mjerila toplotne energije na postojećem obračunskom mjernom mjestu;
- troškove izrade projektne dokumentacije za ugradnju individualnog mjerila toplotne energije.

Troškovi ugradnje individualnog mjerila toplotne energije ne uključuju:

- troškove radova, opreme i materijala na rekonstrukciji/izgradnji obračunskog mjernog mjesta;

Kantonalno javno komunalno preduzeće za proizvodnju i distribuciju toplote "Toplane-Sarajevo" d.o.o. Sarajevo

Bosna i Hercegovina
71000 Sarajevo
Semira Frašte 22
Telefon:+387 33 45 00 30, 45 00 47
Fax:+387 33 45 05 27
Općinski sud u Sarajevu
MBS: 65-01-0427-12

Broj računa:
3389002208282707-UniCredit Bank dd Sarajevo
1610000007760011-Raiffeisen Bank dd Sarajevo
1540012000333776-Intesa Sanpaolo Banka dd BiH
1346101003745344-ASA Banka d.d. Sarajevo
1410010001451867-Bosna Bank International dd Sarajevo

Porezni broj
01632788
Identifikacijski broj
4200353740001
PDVID
200353740001



- troškove radova, opreme i materijala na rekonstrukciji unutrašnjih instalacija centralnog grijanja, sa ciljem ugradnje individualnih mjerila toplotne energije.

4. USLOVI ZA SUFINANSIRANJE TROŠKOVA UGRADNJE INDIVIDUALNIH MJERILA TOPLOTNE ENERGIJE

Pravo učešća na Javnom pozivu imaju svi korisnici usluge u objektima na sistemu daljinskog grijanja KJKP "Toplane-Sarajevo" d.o.o. Sarajevo čiji je sistem cijevnog razvoda takav da omogućava ugradnju individualnog mjerila toplotne putem kojeg će se vršiti mjerenje isporučene toplotne energije za stambeni prostor korisnika usluge.

Zainteresovani kandidat mora ispunjavati sljedeće opće uslove:

- a) da ima zaključen ugovor o korištenju toplotne energije sa KJKP "Toplane-Sarajevo" d.o.o. Sarajevo;
- b) da je vlasnik stambenog prostora za koji se prijavljuje na Javni poziv;
- c) da nema dospjelih dugovanja za usluge centralnog grijanja;
- d) da nije isključen iz centralnog toplifikacionog sistema.

Zainteresovani kandidat može se prijaviti za učešće na Javnom pozivu samo za jedan stambeni prostor.

Napomena: Izrazi koji se koriste u Javnom pozivu, a imaju rodno značenje koriste se neutralno i odnose se jednako na muški i ženski rod.

5. KRITERIJI ZA BODOVANJE

Kriteriji za određivanje broja bodova i utvrđivanje reda prvenstva kandidata na rang listi su:

a) Nosilac subvencije troškova grijanja za centralno grijanje (za sezonu 2022/2023.), na osnovu Uredbe o subvencioniranju troškova grijanja ("Sl. novine Kantona Sarajevo", br. 4/2005, 7/2008, 37/2013, 51/2014, 8/2018, 9/2019 i 50/2020)	20 bodova
b) Samohrani roditelj	15 bodova
c) Osoba sa invaliditetom	15 bodova
d) Domaćinstvo sa djetetom sa posebnim potrebama	15 bodova
e) Nosilac domaćinstva – nezaposlena osoba	15 bodova
f) Nosilac domaćinstva – penzioner	15 bodova
g) Kandidati koji ispunjavaju opće uslove iz tačke 4. Javnog poziva.....	5 bodova

U slučaju istog broja bodova prednost ima kandidat koji je ranije dostavio Prijavu po datumu i vremenu prijemnog štambilja u glavnom protokolu KJKP "Toplane-Sarajevo" d.o.o. Sarajevo.

6. DOKUMENTACIJA UZ PRIJAVU ZA JAVNI POZIV

Kandidat je dužan, za stambeni prostor za koji prijavljuje učešće na Javnom pozivu, uz potpisan Obrazac prijave (koji će biti objavljen na WEB stranici Preduzeća), dostaviti dokaze o ispunjavanju uslova iz tačke 4. Javnog poziva i to:

- a) Kopiju ugovora o korištenju toplotne energije;



- b) Dokaz o vlasništvu (ZK izvadak izdat od strane Zemljišno-knjižnog ureda Općinskog suda u Sarajevu ne stariji od 6 mjeseci) ili dokaz o vanknjižnom vlasništvu, u originalu ili ovjerenoj kopiji;
- c) Potvrda da su izmirena sva dugovanja prema KJKP "Toplane-Sarajevo" d.o.o. Sarajevo i da stambeni prostor nije isključen sa toplifikacionog sistema, izdata od strane KJKP "Toplane-Sarajevo" d.o.o. Sarajevo, ne starija od trideset (30) dana, te
- d) Izjave kandidata, ovjerene kod nadležnog organa (općine ili notara), da
 1. pristaje na izvođenje neophodnih radova na ugradnji individualnog mjerila toplotne energije i naplatu prema očitanoj potrošnji nakon ugradnje, a u skladu sa odobrenim Tarifnim sistemom KJKP "Toplane-Sarajevo", te da će nakon ugradnje individualnog mjerila zaključiti novi ugovor o korištenju toplotne energije;
 2. će po ispostavljenom predračunu KJKP "Toplane-Sarajevo" d.o.o. Sarajevo izvršiti uplatu iznosa, umanjenog za 600 KM (iznos sufinansiranih sredstva), u roku od 15 dana od dana ispostavljanja predračuna.

Napomena: Potvrde iz tačke c) dijela 6. ovog oglasa, koje izdaju KJKP "Toplane Sarajevo" d.o.o. se neće naplaćivati.

Dodatno, kandidat koji ispunjava neke od kriterija iz tačke 5. Javnog poziva, za tačke od a) do f), potrebno je da dostavi dokaze i to:

- a) Rješenje o subvencioniranju troškova grijanja (za sezonu 2022/2023.) u ovjerenoj kopiji;
- b) Kućna lista kao dokaz da je kandidat samohrani roditelj u originalu ili ovjerenoj kopiji, ne starija od trideset (30) dana;
- c) Rješenje o invalidnosti kao dokaz da je kandidat osoba sa invaliditetom u ovjerenoj kopiji, ne starije od trideset (30) dana;
- d) Ček od penzije kao dokaz da je kandidat penzioner u originalu ili ovjerenoj kopiji, ne stariji od trideset (30) dana;
- e) Potvrda od JU "Služba za zapošljavanje Kantona Sarajevo", kao dokaz da je kandidat nezaposlena osoba, u originalu ili ovjerenoj kopiji, ne stariji od trideset (30) dana;
- f) Rješenje o kategorizaciji djeteta sa posebnim potrebama kao člana domaćinstva i Kućna lista kao dokaz u ovjerenoj kopiji.

7. NAČIN PODNOŠENJA PRIJAVE

Prijave kandidata se dostavljaju putem pošte ili na protokol KJKP "Toplane-Sarajevo" d.o.o. Sarajevo, na adresu Semira Frašte 22, 71000 Sarajevo. Na kovertu posebno staviti oznaku:

"Prijava na Javni poziv za sufinansiranje troškova ugradnje individualnih mjerila toplotne energije u objektima na sistemu daljinskog grijanja KJKP "Toplane-Sarajevo" – NE OTVARATI".

8. OSTALE INFORMACIJE

Javni poziv ostaje otvoren trideset (30) dana od dana objavljivanja.

Javni poziv će biti objavljen u dnevnom listu Dnevni avaz, te na web stranici KJKP "Toplane-Sarajevo" d.o.o. Sarajevo.

Prijave kandidata koje su neblagovremene, kao i prijave koje ne ispunjavaju uslove iz tačke 4. Javnog poziva, Komisija neće uzeti u daljnje razmatranje.



Nacrt rang liste se objavljuje na web stranici Kantona Sarajevo. Na Nacrt rang liste kandidat može Komisiji uložiti prigovor uz odgovarajuće dokaze, u roku od sedam (7) dana od dana objavljivanja. Komisija razmatra prigovor, nakon čega informiše podnosioca prigovora o donesenoj odluci po prigovoru i utvrđuje Konačnu rang listu, koja se dostavlja Ministarstvu. Konačna rang lista se objavljuje na web stranici Toplana Sarajevo.

Direktor

